



Broj: 05/7-50-13-218-35/18

Sarajevo, **13.3.2018.**

Z A P I S N I K

35. sjednice Vijeća nacionalnih manjina BiH, održane 13.3.2018. u Brčkom

Sjednica je počela u 17 sati.

Sjednicom je predsjedavao Tihomir Knežiček, predsjedavajući Vijeća nacionalnih manjina BiH.

Sjednici su prisustvovali članovi Vijeća nacionalnih manjina BiH: Andrija Svatok, prvi zamjenik predsjedavajućeg Vijeća nacionalnih manjina BiH, Dejan Piotrovski, Eva Pašić-Juhas, Jovanka Manzalović-Šalaka, Marija Grbić, Hakan Varan, Velibor Kuvač, Dragan Marković, Todorka Jovanović, Nedžad Jusić, Vjeročka Gajić, Silvija Vujović, Mladen Radmilović, Halil Bicaj i Davor Ebner.

Sjednici iz opravdanih razloga nisu prisustvovali Tijana Vučurević, druga zamjenica predsjedavajućeg Vijeća nacionalnih manjina BiH i Jakob Finci.

Sjednici su, također, prisustvovali: Branislava Vignjević, stručna savjetnica u Zajedničkoj komisiji za ljudska prava, i Dragomir Elez, volonter u Zajedničkoj komisiji za ljudska prava.

Članovi Vijeća nacionalnih manjina BiH **jednoglasno su** usvojili

D N E V N I R E D

1. Usvajanje Zapisnika 34. sjednice Vijeća nacionalnih manjina BiH;
2. Razmatranje Prijedloga izmjena i dopuna Zakona o prebivalištu i boravištu građana BiH, s posebnim osvrtom na pripadnike nacionalnih manjina;
3. Informacija o odgovorima na Upitnik EU koji se odnose na nacionalne manjine;

4. Informacija o položaju i stanju Roma u Bosni i Hercegovini, a povodom obilježavanja 8. aprila - Svjetskog dana Roma;
5. Razno:
 - Informacija o programu manifestacije u Brčko Distriktu BiH.

Prije izjašnjavanja o prvoj tački dnevnog reda, Vijeće nacionalnih manjina BiH je na prijedlog Eve Pašić-Juhas **jednoglasno usvojilo** prijedlog da se u okviru tačke 5. Razno razmatra finansiranje udruženja nacionalnih manjina.

Ad.1. Usvajanje Zapisnika 34. sjednice Vijeća nacionalnih manjina BiH

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. Nije bilo rasprave o ovoj tački dnevnog reda.

Vijeće nacionalnih manjina **jednoglasno je usvojilo** Zapisnik 34. sjednice.

Nakon izjašnjavanja o prvoj tački dnevnog reda, na zahtjev članice Vijeća nacionalnih manjina BiH Todorke Jovanović, razmatrana je Informacija o programu manifestacije u Brčko Distriktu BiH iz tačke 5. Razno. Todorke Jovanović upoznala je članove Vijeća s programom manifestacije Dani makedonske kulture, koja se održava od 13.3. do 18.3.2018. u Brčko Distriktu BiH, a koju organizira Udruženje "Makedonac Vardar".

Članovi Vijeća **primili su k znanju** navedenu informaciju.

Ad.2. Razmatranje Prijedloga izmjena i dopuna Zakona o prebivalištu i boravištu građana BiH, s posebnim osvrtom na pripadnike nacionalnih manjina

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Nedžad Jusić, Davor Ebner, Eva Pašić-Juhas, Dejan Piotrovski, Andrija Svatok, Hakan Varan, Velibor Kuvač, Mladen Radmilović, Dragan Marković i Tihomir Knežiček.

- Nakon rasprave, **zaključeno je** da se od Ministarstva civilnih poslova BiH i Ministarstva za ljudska prava i izbjeglice BiH zatraži mišljenje o **Zakonu o prebivalištu i boravištu građana BiH**, s posebnim osvrtom na odredbe koje se odnose na prijavu prebivališta pripadnika nacionalnih manjina BiH, odnosno kako i pod kojim uslovima

građani Bosne i Hercegovine mogu prijaviti mjesto boravišta i prebivališta u BiH ako su de facto u stanu koji je njihovo mjesto prebivališta, a de iure nisu vlasnici tog stana ili kuće. Kako i pod kojim uslovima građani Bosne i Hercegovine mogu prijaviti mjesto boravišta u BiH ako nemaju u posjedu imovinu?

Ad.3. Informacija o odgovorima na Upitnik EU koji se odnose na nacionalne manjine

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Tihomir Knežiček, Eva Pašić-Juhas, Velibor Kuvač i Davor Ebner.

Nakon rasprave, Vijeće je usvojilo **zaključak kojim se Ministarstvu za ljudska prava i izbjeglice BiH** preporučuje da prilikom davanja pojašnjenja na odgovore koji su predati u Upitniku Evropskoj uniji konsultira Vijeće nacionalnih manjina BiH u vezi s oblastima koje se tiču prava i položaja nacionalnih manjina.

Ad.4. Informacija o položaju i stanju Roma u Bosni i Hercegovini, a povodom obilježavanja 8. aprila - Svjetskog dana Roma

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Nedžad Jusić, Andrija Svatok, Dejan Piotrovski i Dragan Marković.

Vijeće nacionalnih manjina BiH **jednoglasno je usvojilo** prijedlog da se putem pres-službe Parlamentarne skupštine BiH uputi čestitka povodom 8. aprila, Svjetskog dana Roma, te da se sadržaj čestitke proslijedi Vijeću nacionalnih manjina BiH.

Ad.5. Razno:

- Finansiranje udruženja nacionalnih manjina

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Eva Pašić-Juhas, Tihomir Knežiček, Dragan Marković, Nedžad Jusić, Mladen Radmilović, Marija Grbić, Vjeročka Gajić i Velibor Kuvač.

Nakon rasprave, Vijeće nacionalnih manjina BiH **usvojilo je prijedlog** kojim se Ministarstvu za ljudska prava i izbjeglice BiH i Ministarstvu civilnih poslova BiH preporučuje da prilikom izrade budžeta za 2019. godinu odvoji posebna budžetska stavka za sufinansiranje udruženja nacionalnih manjina u BiH, odnosno pokrivanje troškova rada udruženja.

Sjednica Vijeća nacionalnih manjina BiH završena je u 18,40 sati.

Sastavni dio Zapisnika je tonski zapis 35. sjednice Vijeća nacionalnih manjina BiH.

Predsjedavajući Vijeća nacionalnih manjina BiH
prof. dr. Tihomir Knežiček